



Naupan Tuung a Kipan Kimawlna tawh Kisinna

CHIN ZOMI

Kimawlna i cih bang ahi hiam?

Leitung bup ah naupang lam sinna kinei pan a kisinkhiat dan in naupangte in khatna nei kimawlna te ah a kihel uh ciangin kisin uh a, khangto uh hi.

“Kimawlna pen naupangte’ theihna, pumpi khantohna, midang tawh kizopna leh ngaihsut theihna siamna cih tampi te thapiak nading leh gawmtuah nadingin kisam mahmah hi. A muibun naupan ciil zatdan-te in saupi a kimang leh a kihawmkim naupangte tawh kizopna panpih nadingin hilhna leh sinna a kigawm lampi-te kizang hi. Kimawlna leh adang hamphatna-te tungtawn in naupangte in tual sung leh leitung paizia te, mihingte , munte, na-te leh nisim a tuahkhak te tawh kisai phawkna leh ngaihsutna lam nading kisin thei uh hi.”

- VEYLDF, 2016, pg. 14

Kimawlna pen naupang pianpih hi a, a kisinna uh leh a khantohna ading a phamawh khat ahi hi. Kimawlna in na tate leitung nuntakna omzia phawk sak a, amau hihna zia tuam khangsak hi. Kimawlna tungtawn in na tate in lunggeel, kineihkhem, bawlkhia, mukhia, kancian, kizom, thu dong, pau, thu nggai, ngaihsun, phawk, lawng leh a nam diik cihte hih thei uh hi. Kimawlna ahkideektuahna, buaina vensakna, haksatna phuulna, a thak na-te sinna, leh na-te in koi bangin nasem cih muhna kihelhi. Na ta in amah leh midang te’ thu sin in, kimawlna ah zuih ding thu-te sin, lawm bawl, kizopna phuangkhia, leh a sia-te leh adang naupang-te a kipan a kiim-a om mite muan nading hong sin dinghi.

Naupangte pen amau guak in ahi zong, naupang dang khat le nih tawh ahi zong a tawm aihkeh a tam pawlhon tawh kimawl thei zel ding uh hi. Kimawlna pen gamlum aihkeh gamdaai thei a, kihelna tam aihkeh tawm thei hi.

“A kinawngkai saklo kimawlna hun-te in a kiciangtanlo van leh na tampi te zangin na thak bawlna, kantelna leh mukkhiatna hun naupangte tungah a piahi.”

- VEYLDF, 2016, pg. 21

Kimawlna pan sinna

Sangsia te leh mi pantah a siamte in naupang khat ciat i lunglutna leh kispna te tawh kituakin naupang hong pai te adingin geelna a nei uh hi. Hih adingin naupangte suakta tak nn sung leh inn pua mun te ahi a kihong sinna kiim leh paam ah kimawlna bulpuh tuahkhak thu tampi te kibawlsakhi.

Zat ngeina pawlkhat ahi tumging hun, tangthu ngaihna leh thu kikapna hun cihte om ding hi. Hun a tamzaw ah naupangte in koimun ah kimawl ding, kua tawh kimawl ding leh koi kimawlna ah bang tanvei kimawl ding cih te pen amau leh amau in khentat i ding uh hi. Mi pattah a siam te in naupangte kisp hun-in panpihna leh lamlahna pia ding uh hi.

Mi pattah a siam te in kipattah dan tuam tuam te zangin naupangte in siamsinna nuam a sak theih nading, thu ngaihsut theih nading , theihnopna lungsim a neih nading leh a leitung nuntakna leh midang a tuah te uh a lunglut theih nadingin sin sak ding uh hi. Amaute in kimawlna lamlak, makaih, aihkeh naupangte amau leh amau kimawlna ah encik ding uh hi.

Naupangte in a kimawl sungin bang sin uh hiam?

Kimawlina in naupangte adingin pau leh thu dotna ding, kammal leh pau, lai, nambat leh mitawh kizopna cihte khantoh nading leh kisin nading hun pha tampi a piahi. Kimawlina tungtawn in naupangte in midang te tawh kizop zia leh kithuah zia te a sin uh ahihi.

Naupangte in a muhna uh tungtawn in a lunggeelna bang un gamta thei uh hi, gentehna;

- Neek le dawn bawl kineih
- Nau keem kineih
- Meiphelh mi, siavuan aihkeh sai zuakkineih.

Hih te in naupangte a leitung nuntakna uh leh a kiim a pam te uh a tel nading leh a theih nadingin sin sak hi.

“Kineihkhemna kimawlina pen leitung bup tualsung mite’ neih a kibanglo hihna te leh muhzia te kantel nadingin thupih. Mi khat ciat aihkeh a pawlpawl te kikal ah kibatna leh kilamdannate pahtawi ding, leh a kilamdang muhzia-te zahtak dingin naupangte panpih huaihi.”

- VEYLDF, 2016, pg. 18

Na ta pen a kimawl laitak in, midangte’ san theih gamtat zia te a sinna ah a huh dingin thukhunte hong deek ding uh hi. Gentehna, ama’ kiluai hun ding ngak ding cih thukhunte naupangte in bawl kha theiding uh hi. Mikim bitna, vanzat te donna leh thuman leh kilekkimna cihte a panpih thukhun bawlina te ah naupangte kihel sakna in amaute’ ngaihsutna leh buaina vengsak siamna-te, mi tawh kizop kithuah theih siamna-te, nambat leh lai theihna te khangto sakhi.

Naupangte a kimawl uh ciang, a theihsa uh leh ngaihsutna te gawmkhawm in ngaihsutna thak hong nei thei uh hi.

Naupangte in sepna pawlkhat te hong hih kikkik thei ding uh a, a lauhuai te hong kisin ding bek thamlo, a nuai-a bang siamna te hong kisin ding uh hi;

- a sangna ah amau leh amau kahto
- lim (jig-saw) lemtuah
- Amau leh amau a puante aihkeh kidalna puan silh
- A kawciik tungah kileekkim in pai
- amau leh amau temteh (scissor) zang
- lei tuan a diang
- Amau leh amau khau kiluai

Hih lawhcinna te pen, a liang a neu hita leh naupangte, a innkuanpihte leh amaute’ sinna tha a pia a sangsiate adingin lungkim huai mahmahhi.

Kimawlina in naupangte tungah nopsakna,lawhcinna, gualzawhna, hih khialhna, kisinna, thu aihkeh siamna thak te sinna, ngaihsutna phuangna leh siamna leh theihna thak ngahna cihte piang sak hi.

Kimawlina pen na ta’ kisiina ahi hi.

Etkakte

Department of Education and Training, 2016. *Victorian Early Years Learning and Development Framework*.